

續修四庫全書

《續修四庫全書》編纂委員會編

續修四庫全書


上海古籍出版社

一五六八・集部・別集類

范伯子詩集十九卷	〔清〕范當世撰	一
文道希先生遺詩一卷	〔清〕文廷式撰	一二一
衷聖齋文集一卷	衷聖齋詩集二卷	一六一
	〔清〕劉光第撰	
楊叔嶠先生詩集二卷	楊叔嶠先生文集一卷	二三三
	〔清〕楊銳撰	
寥天一閣文二卷	莽蒼蒼齋詩二卷補遺一卷	二九九
	遠遺堂集外文二卷	
	〔清〕譚嗣同撰	
覺顛冥齋內言四卷	〔清〕唐才常撰	三四九
晚翠軒集一卷補遺一卷外集一卷遺札一卷附錄一卷	〔清〕林旭撰	五〇三
湘綺樓全集三十卷	（文集八卷詩集十四卷箋啟八卷）	五四一
	（文集卷一至文集卷六）	
	王闓運撰	

范伯子詩十
九卷附蘊素
軒詩四卷

辰官嚴復題檢



范肯堂墓誌銘

桐城姚永樂撰

太史公曰詩三百篇大抵皆聖賢發憤之所爲作也豈不誠然乎哉詩體至唐而大備然世之論者每稱李白杜甫二人者塗轍不同其憂時嫉俗之情則一厥後以詩鳴者至多而蘇軾黃庭堅陸游元好問爲之最四子之爲詩猶白甫也白是以降兢兢於格律聲色公然模襲其發憤也不深則立乎中者不誠中不誠則氣不昌氣不昌則不足震動而興起孔子曰詩可以興與於發憤也維我聖清載逾二百五洲交通藝術競勝僅恃一國祿敗不振之故習不足敵彼族之方新而朝野之論又斷斷不可合併故釀爲甲午庚子之再亂於時范君起江海之交太息悲傷無所抒洩一寓之於詩其詩震蕩開闊變化無方讀者雖未能全喻精微無不知愛而好之以一諸生名被天下噫何其盛也君諱當世字无錯號肯堂世爲江蘇通州儒族祖某父某皆不仕君少出語驚長老壯而益奇武昌張先生裕釗有文章大名客江甯君偕張謇朱銘盤謁之張先生大喜自詫一日得通州三生茲事有付託矣其後君弟鍾鏗相繼起世又稱三范而稱君爲大范云吳先生汝綸官冀州見君與謇銘盤唱和詩貽書鈎致君亦樂依吳先生遂之冀而張先生亦來主講保定益相與論定古聖賢人微言與義學更大進是時君方喪前夫人吳先生爲介聘吾仲姊因就婚先子江西安福署中先子故能詩吾姊亦嫻吟詠君往來二年得詩益多其後吳先生居保定吾往從之君方携吾姊客李文忠公所見卽飲酒賦詩談調間作別十日不見君寄詩卽寄聲誚責以爲樂迨甲午戰敗文忠公得罪君與吾皆東歸不復北游視曩時

游燕如易世矣君初在冀所教諸生多爲通材知名於世家居及道塗所遇人士有一語之善必扶植之其經承君講授者悉有成就收科第者相望兩弟一成進士爲令河南一拔貢朝考一等爲令山東而君卒以諸生終學堂令下君已病肺臥慨然強起以助國家長育人才爲己任迂儒老生極口訾嗽至投書醜詆君一接以和面論文諒使有端序病且篤就醫上海遂以光緒三十年十二月初十日卒年五十一踰年葬於通州東門外范氏之阡前夫人吳之右吳夫人生二子早況皆諸生有文學足以推大君志以況爲弟鍾子一女適義甯陳衡恪早卒後夫人姚君所爲詩皆自寫定爲十八卷合文十卷藏於家方今海寓學術梵起雲變川增治斯事者材力已患不給而吾國文至繁奧習之尤費日時議者乃欲更張之就淺易君詩雖

二

至工真知其意者無幾人數世以後又孰能測君所用心乎然巴比倫埃及之古碑希臘印度之詩西士好古者搜釋之不餘力也以吾國文字精深微眇實有不可磨滅者存意必有魁桀之士寶貴而研索之殆可決也於君詩又何憂乎君事親教弟極於孝友待朋友有終始將葬弟鐘來問銘未敢應也既久乃寫所得於君者以抒吾哀而系之以銘銘曰

倚與仁人世上有范君大本既立發爲高文若最其行以儒而俠友死孤釋媚媚者妾君引任之以濡以沫囊無一錢求者踵門計子而貸汝禪汝針胸中恢恢齊其仇恩賒不汝疑背不汝怨有李生者嘗爲人言豈大奸與不卽聖賢何奸何賢有蘊弗宣吾銘未信曷讀詩篇

范伯子詩集一

光緒四年戊寅至九年癸未僅

悲憤之作

十五逢延卿十六知名字十九通書識鄉里少小無猜長無忌樂羣怨別真歡喜疾痛呼吾親哀悲念吾子

季直堂堂貌城府而我相視皆嬰兒嬰兒不相遇啼笑誰能知要爾於途告爾慎人生得罪非所期

明月照窗戶夫婦連牀語焉知吾與汝所向亦已古吾欲食貧汝作苦出門一步知何處

興化見劉融齋先生還至歐家坊館次寄內弟吳肇嘉

范伯子詩集

湖水連江綠扁舟載夢歸病消盃在手寒盡樹更衣樵牧各余契弟昆惟汝違松花開落處應有彩雲飛

歐家坊野望口號

郭外十里烟鄉深東家晴好西家陰秧田如繡木棉長蒼然四顧來歡心邨農似頗解余樂輟耕荷鋤相向吟夕陽滿地各歸去樵子蒲桃香滿林

歐家坊答仲弟寄箋

雨後柴門秋水生歸人小艇晚烟橫何來綺思飛明月十幅蠻箋寄阿兄

題竹庵畫

望海樓頭舊酒緣眼中衲子態翩翩竹林一片虛窗月袖入西山證

畫幀

未有雄談對文暢聊將心跡語高閑江流遠遍黃泥籠萬石崎嶇無片碩

名山無分十年留檢點征衫待遠遊大好烟巒今付汝他時猿鶴未應差

題小塊畫

并舟詩派蕉庵畫再世傳鐙一律明莫便縱橫談五嶽狼山小塊要知名

留別新綠軒

簾與側放山門下我作山人盡一餐芳樹如聞啼鳥怨殘花猶戀去人看百年香火崇碑在四海烟濤一劍寒莫復殷勤爲後約還山古

范伯子詩集

有萬千難

酬方子箴廉訪贈文序

昔聞邗上題襟處今過高齋得見公江左文章諸老盡淮南鐘鼓幾人同青天酒盞無弓影夕照軒窗有緒風一序深慚負滕谷江關庾信尙西東

八月十四宿芒稻河

客路憐華月推篷已滿襟鳴蟲和幽草宿鳥起疎林秋晚東風急過江淮水深懸悲老人意念此不成吟

倦遊歸里延卿來視集勿庵去健美齋中用叢星堂韻

他鄉一臥驚黃葉八月新霜冷如雪江流浩浩青山枯作客還家兩愁絕故人持酒欸我門滿地黃花勸我折願生徒步西方來貺我奇

情不可減十日追歡復此齋坐臥縱橫肘相掣開窗濡墨寫新詩面
面晴輝生眼纈諸公相約鬪分陰不問竹頭與木屑吁嗟一年好會
多過來聚散乃一瞥城陰窮巷秋草深風雨孤懷那可說一言持慰
故人歸身如萍梗心如鐵

餘東道中

范公隄上雨雲黃到海應無十里長書市乘潮賣魚蟹秋田殺草見
牛羊鹽官俸美高衙在刺史城遙百姓忘父老不憂民氣悍於今世
亂失湘鄉

李草堂先生席上

鮮魚色色接芳樽小病深衣對此溫仰欲狂呼儕少長可無佳詠負
朝昏一從令子爲兄弟長使他鄉役夢魂安得買書千萬卷相將藜

范伯子詩集

藁飽山根

贈顧滌香

三十爲詩顧工部登壇才氣並諸昆太行南下青歸袖淮水東流綠
到門愛日林亭長護草好風裾佩結蘭蓀人間此會真希有珍重瑤
篇異候論

送周彥升之山東戎幕

君有遠行二千里山樾海舶總艱難何曾帷幄須奇策使汝此裘犯
苦寒羞鳥戶蟲生計在伏龍雖鳳歲時寬諸公相見鈴轡下莫作山
中處士看

郊行

昨夜更聞聽雨愁曉行十里未開眸風來故故吹蓬髮泥濘就就惜

敝裘村市故人兒女長酒家父老笑言稠先生此日真無賴數遍車輪一萬周

延卿負約不來寄詩爲謝次韻還促之同仲弟作

五尺虛廊月到初灑然涼氣滿襟病妻藥物饒清味俊弟詩篇稱隱居風翮漸看新養鵠海鮮初饌遠方魚誰令吾友慳嘉會無意柴門枉寄書

江心晚泊

江北江南路總非江心一蜨背人飛空波不長浮萍草夜色蒼茫何處歸

上海遇彭芾亭病還江西

去年我病江城下君行作官具裘馬今年我遊東海濱君病還家百

范伯子詩集

四

事捨君官我遊都可憐病榻攀望如飛仙去年今日怡周歲爾我相代心熬煎昔君至浦瀨我去今我滬瀨君至我行兩度皆遲遲遇君甯得非天意不然朋舊各四方何必甘苦都與管所以爲君一揮涕仍當歡喜臨壺醵君不能飲我心惻安得與君分氣力江湖盤曲山峻高遠哉遙遙不得息握君強別無他詞養心爲上其次之人生鉅細信有命從今歧路先無悲諸亭臨別氣弱聲微招我就枕語屬他日弗勝此詩與贈序未幾遂卒吾問以問於張澹亭先生先生曰贈序固佳即若詩所謂安得與君分氣力者正復澹澹何古語何必關也

與同學者共祀興化劉先生於龍門書院哀感成詩

城郭三年別門牆一慟深池荷還炫日堤柳尙成陰遊從齋房減埃塵講幄侵黯然值諸子相對忽沾襟

親炙無多日師恩自覺偏來時先目斷歸路更心懸待對空山樹長

休大海船豈知臨別語遺恨已千年

跋涉師憐我連年更未休風塵徒不肖悲憤已堪羞獨夜一回首當春那得秋嗟哉覽茲字麟鳳去悠悠

俎豆今來意諸君興慕思師亡胡可倍道大固應歧白石猶能礪狂瀾未可知蒼茫千載事流涕向崇祠

南山

南山積雪處晦澀無枝條怪鳥羣飛來緣石爲一巢日莫不窺隴相向饑無聊小兒乘其散奮爪掀團茅一攫不能盡零落飛鳴交顧念形與足瓌瑋殊鷗鷺彼民豈能識畜之徒供餽坐令摧翮庸不然充君庖哀哉惜儔侶一一豐肌銷

東郊道中

范伯子詩集

五

碧漲迴溪滿風蘆對岸斜羣魚嬉水鳥深草著秋花日午人歸犢陰濃婦浣紗愁聞積霖後戶戶有農嗟

寄仲弟歐家坊館次

昔我幽居地三年病著書復君勤苦業對此情荒餘宿火朝意暗新晨夜榻虛過來一相憶食飯近何如

延卿將之廣東招同諸子集於其家次何氏山林十首

望望蒲塘路維舟第二橋故人期隴晦好會接雲霄作合前時問朋游隔日招惟應就芳草百里未嫌遙

竟與紅塵隔村居事事清秋田逢旅雁春樹息流鶯一姓多羊酒千家足豆羹閑時問畊飲都吏不須行

一畝中莊宅當門老樹支放開牛拚路爭浴鴨嬉池陰屋寒檐下深

堂晚犬知主人垢衣出奇氣忽離披

覆瓦千梢竹根墻四面花屋廬巢翡翠泥壁草龍蛇荷菱風長好藤蘿月正賒憐君好文彩未改野人家

今上初元日田間好事開惟時攜綠酒及爾問紅梅鵬佩忽忽換巾車歲歲來中庭吾倚遍欲問向時苔

此日接懽喜壺觴擁似泉諸公詞落十日雨紛紛寒菜兼魚味新禾得酒錢不宜問歸路泥濘隔前川

簾子秋風起宵焚百和香與人同不睡先我獨驚涼積架書誰問橫腰劍可藏夢中好山水披髮弄青蒼

有美雙鯉鯉經年在一池何人忽臨水對此更橫羅堂上拜慈母庭前看好兒平時暫離別聲息故相隨

范伯子詩集

六

每念山東友惟看海上雲幾人仍綠鬢萬里寄回文霜木垂垂下風花故故分直須連夜飲莫使百憂紛

即欲東西去其如對榻何百年此間樂一夕好詩多陳亮故豪舉馬周猶放歌要知擲時日未算客中過

延卿將發滯吾家再同次工部草堂韻

去年五六月張生來上都盛言粵南帥謀國方憂虞借我二三子難

可稽須臾吾父念兒子云此不足圖萬里耗大官宵歸飯爾鱸爾時客江浦徑反南山隅久之張公子

雖云蹇脩意緩亟固已殊

皇帝策北方有德無征誅戍兵已歸

食焉用資吾徒平時貴與賤此分難可踰家食亦無肉客食亦無魚而况骨肉美離散誠何辜彼俗雖不聾我乃吹齊竽堂堂顧君業貢

之宜天衢入山豈不達一檄乃可呼顧君發清興謂我聊嬉娛嬉娛

固當爾使我生悲吁文章代所重天下傾三吳鄉邦一千載卓學承蘇湖與子十年力衆芳差不蕪巾車歲來往數見猶爲疎誠恐數君

子自此分襟裾豈曰不能待學亦猶蒲盧移此問當路乃覺非所須城西舊館舍草木華村墟昔棄今頗念有志爲腐儒萬錢鬻句讀何

必非壯夫告君別後意口渴心腸枯前後七百言送君無所餘

因延卿寄秦堯臣

堯臣初以夷氣迫招集人士列名廣募兵事解乃設局補修歷代史志表廷卿堯臣皆寓

肝膈煩憂不可名曉來河上泥人行數詩聊付江關去萬里如聞草木聲海內思君存畏友田間齒我愧書生秦淮一醉無相問撫景難言別後情

范伯子詩集

七

江水迎潮日夜東江南江北對春風一聞高跡天邊去空有名山夕照中百國盟書新就我千秋逸事更煩公重來白下知無意莫使文遊好會終

庚辰辛巳之間里中朋友之樂最盛百里之人恆聚於一而余

與馬勿庵實爲之倡勿庵與余相愛既深乃至相求相怨延

卿之去廣東余具舟送之過辭勿庵無一言而別既行二十

餘里苦不能釋復回舟就馬權出意外連宵達旦成詩甚多

今存四首

風葉蕭蕭萬馬聲河梁送客倍心驚連宵倦眼花俱暗鎮日空腸酒自鳴別恨乍如雲亂起人才故與月同清誰能便曉當前意但有回舟緩緩行

當代惺然仗數公不應謔笑更與戎無多佳日春秋在可愧江流日夜東難字相爭聊復爾奇文雖賞不爲雄正當搜索臨歧語那有前宵夢更同

馬公昔反自王畿忽動山中草木輝纔喜交親連日長君看故舊每年稀千遭酒散誰非別萬里書來儘說歸念此深知天意慘宵閑時有淚沾衣

便欲關門賦隱居殘年風雪定何如吾師弟子宜謀道今日窮愁始讀書日夕深盃聊感此諸君但醉莫愁余人生知己無哀怨百事縱橫皆此餘

送延卿既已歸途有作

秋草爲春色秋花亦可憐北風吹細雨落日滿前川去國條條路連

八

范伯子詩集

寄內

家處處田豈宜重念汝薄醉問歸船
疆慳不足用深夜更橫悲去遠書當毀傷秋命可知烏啼聞不得蟲
謁臥相欺三十輕兒女何因歎婦離

上海止於欣甫者累月航海北歸舟中有作

爲懽亦已侈祇覺別離輕便有還家樂難堪此夜行夢君小兒女依
我尙縱橫佛住無三日由來鑒此情

君終食湖沒那便不書生苦爲高才惜眞看拙宦成九夷託妻子一
飯動生平涉海茫茫夜回腸百感并

欣甫初補湖濱巡檢簿其官稱貸入貸爲縣令

贈孫童子啟

倦眼風塵下英英見此人清思得初理文雅故天真白日輝如此黃

華迹易陳高軒纔過汝珍重短衣身

夜坐

好雲停屋角初月上浮圖坐聽一聲雁庭空秋在無

過赤壁下

江水湯湯五千里蘇家發源我家收東坡下游我上溯愴忽遇之江
中流不遇此公一長嘯無人知我臨高秋公之精靈抱明月照見我
心無限愁

湖北通志局開妻喪於時方脩列女志稍整齊而後行悲哭之

餘猶緇故紙停筆寫哀遂成四絕

耗至驚看吾父筆行行老淚寫哀詞如何薄命無妻日正是過門不

入時四月二十二日余去家至上海附番船二十八日過狼山而吾婦乃歿於斯時也

范伯子詩集

九

一病新從九死還分明給我去鄉關平生已種無邊恨此恨綿綿况
可刪

入窗聞說彩衣鮮費盡親心總枉然十載宵晨有饑飽不曾銷我賣
文錢

迢迢江漢淚滂沱未燭脩書且奈何讀罷五千笈婦傳可知男子負
心多

舟中連句倒押五物全韻

晨曦通滯霧遼原瘴蒙蔚豈君離尊祖膺泰朋簪孟孫尉悲風激颶
颶季直晴漪散澤次枕聲三老謹扇紡五兩僂馴禽尾沿緣當世湛

鱗震談嗽披髮凌鄆琅琅眼留垢坻征役阻况脩偃仰嗟以拂季願
念踞腹腸甯畏走肆娣飲口藥疑餽敝膺稿想苑曼揭珠養不肥弁

玉樓忽踞臨跡肩辭鏡窳察脛揜當世 踟躕履屨穿望望此帖吻
買花盤泣憂痛衰杖芸芴季昔望吾悲防今格靈具肝眈背崩雲窳
泣條宰樹屹盤也感斯摯鑄乎遊可不曼 鍾奮刺制疲飢支遠勞遨嬉制怒軀身西心固束朝娛吁乃佛當世

伏聞
皇帝聖下閔泉府沱孟盤昨毛燮憲賈輩瞬迄曼 詔邊謹土斷飾乘
減玉鉉雞鹿築塞牢虓虎屯土乞季懸節新窮嚴規餉競理洸宛馬
萬謀馳鬼刀四盤劇隱中抗辛有茲患浮突歎當世 却棋局孔牛燦
炭熾矧欵大車彘如茲焱勢手可熨瀕謀劇笑當衡行噲語勿曼 薪
火愾憫慄蓬累窮魁嶺寡喙孤莫張術道邈而誚伊和羅武別懷仲
受威被季楚修焉可徕珍翹自加髡欽不貌長離留夷婢荒弗覽代

范伯子詩集
十
騷衷紆怨賦瘳瘳弗當世 誓將買地肺那更艷天絳若龜甘行渾詎
牛一蔽韞曼入穎把許瓢封留棄炎徽亮哉十年書愈彼三百紱迹
與招隱往口嗤草元吃季 罌粟長槍消煮雨破缸訖怪思辜鼎剗椎
險勇埋掘腦壁楚晉搏腹餒愈郊乞當世 晚犬投啼呼老烏墮陰鬱
箸閣半睡餒板低羣頭屈曼 生拙僕疑語志遠夢攫拂嘲弄桃土偶
慰諷紙泥佛季沒燭禪大月軒蓬照魂物當世

諸葛忠武侯畫像連句
陳生嬉羅羅曼 君縑細如雲開軒論季 直中間規摹天人尊當世
峨冠脩裳微鬚髯曼 長吟觀時神龍潛季 南岡滋釐民攸瞻當世
無錚干整旂曼 風飛雲翔參炎精季 攀吳連川基襄荊當世 天
乎亡劉侯忠殫曼 侯精銷亡侯靈歎季 侯容惻哉吾摧肝當世 吁今

穹蒼昏鈎陳曼 安能英高如侯臣季 躬姬膺衡權吾真當世
哀雙鳳詩連句并序

雙鳳不知何縣人謬爲如皋倡女曼 與許生識遂訂嫁娶
許既貧不能如鵠欲往來稍稍間而鳳終不妄接人季 直搗
患苦之以憂死瀕危屬曰收我者許也吾儕固舊識聞而哀
之作爲此詩當世

二月江南柳曼 風條踈綠燕桃杷門巷在季 裙展酒尊通無意逢花
落當世 何緣救草蘇爲君數前事曼 愴我鬱吁君玉家原小季 紅
兒貌不殊鳳儼梧粒瘦當世 盡蝕蕙根枯絳樹雕欄出曼 青螺寶鏡
翠彈箏愁浪子季 扶酒倚香奴鬼卦金錢卜當世 懽情斗帳映纈雲
方共曉曼 瑤月莫難男含睇羞團扇季 絨盟結繡襦郎來娶武覺當世

范伯子詩集
十一
世夢淺碧鸞扶半臂宵甯冷曼 雙飛願忽孤綸綈窮賸蔡季 玳瑁獨
棲盧豈悔偷靈藥當世 終難並鄂柑隔簾牛女怨曼 遞簡角張迂強
笑成歌舞季 華妝沙粉朱縱搖羅玉佩當世 未剖黑心符必枕惟道
植曼 蘇臺誓託吳露蓮秋後苦季 霜菊影邊臞一病秦醫拙當世 千
行楚淚俱名駒猶惜骨曼 靈鳥竟辭簞宛轉牽蘿菴季 淒涼杜宇呼
命殘留錮合當世 肌煖待襜褕誰道城南艷曼 能從陌上夫百金豪
客帽季 九鼎美人驅往者曾平視當世 今來失彼姝夫容慳晚墮曼

衡正際春徂錦瑟鴛絳盡季 香泥燕塋無欲銘羅襪塚當世 更涕博
山嶺滄海填精衛曼 窮陰種棠吾天涯感淪落季 回首共踟躕當世

范伯子詩集二

通州范當世

光緒十一年乙酉二月初至冀州至七月南歸作

嶧山夜吟

凌晨發銅山假寐四體輕升車抱頭臥軋軋摧輪驚微吟遣白日倦
眼無由醒昏昏涉百里日夕驂駢停僻路稀人煙店小無檐楹土房
二三尺河水盃中盈倚牆發半被但睡無所營忽聞呢喃語在我頭
上鳴舉頭見雙燕急派當時傾忽忽三年間未嘗聞此聲何因卻遭
此待我哀平生金鰲繡戶不足擇偶寄蒿下如蓬瀛人生結髮有真
意棲茅飲水何其榮不然遠道阻征役相思萬苦皆暨情而我作客
客何夢夢見故山楓樹壁雨淋雪壓壁不掃風欺露侵客不宿積此

范伯子詩集

兩途恨欲訴俱無靈萬一猶能化精魄飄飄羽翼翔滄溟而我未曾
告所適奮飛安得魂來并南方有寡婦白燕巢其楹孀雌號故雄哀
哀不忍聽山雞翟雉不敢勸青燈白髮來相榮北方有老鰥雉飛當
前橫相看勇氣滿太息搖其精少年白謂國風好惡聞此操心彌貞
君不見北川之水天上月處處流光相對明黃河一沈沙萬古長冥

階下草

甯爲階下草莫作樹頭花腐草不飄零花飛離故家

河間小妓雅喜談論其狀甚悲感於太白糟糠養賢才珠玉

買歌笑二語惻然反之書扇以贈

已矣弗復問昔人無此哀糟糠養歌笑珠玉買賢才鴉鳳各饑瘦馬

牛呼可來滕公井田處回首重悠哉

故城寄示同里諸子

吳歌楚舞積年陳趙至齊來逐日新昨日停車鄒魯地不曾窺見酒
罇人

大淮以北氣蕭條秦岱之間復寂寥見說瀟湘亦枯竭江流齊赴海
門潮

閱抄知湖廣疆吏以吳禮園管樞事上聞寄贈以詩

聖者盜不已智人安可欺所操非豚蹄所攘非一雞而我坐歎息虛
名空爾爲天子臨軒霽顏色妻兒閉戶啼寒饑

入冀州境就野人聞吳公斷獄事喜而有作

千里投林鳥翻摧嚶嚶遶樹更徘徊甯知舞蹈銜恩者纔被君侯一

范伯子詩集

忽來

送無錫張君還泰安五首忘其四

海上晴嵐蜃氣封爰居避地正匆匆泰山絕頂無陰雨便與仙人住

一峰

余爲山海一篇略著余所見捕魚狀耳王晉卿以爲不典乃博

稽載籍擬山谷演雅示余余乃更肆其不經之談和之得四十

四韻

鰕生製爲測海文晉卿陋之夸以詩鏗經發圖享靈怪青紅滿紙聲
瀾瀾天下置焉盡何有蒼公幻化文人嬉千輝萬照在天上飾爲酒
斗揚爲箕又道一星一瀛海問君彼海潛者誰鰕生細鱗泳海角芝
蔴眼孔真可嗤夜深竊聽老漁話駭耳墮心摧四肢哀哉吾族盡爲

腊奔告白蝦與蟹故善跳善走追潮逐浪能委蛇笑言先生
勿過惇大海安得無子遺合掌兒頭海和尚船人見之爲一炊百年
老蚌與人戲臥起啼笑如嬰兒被髮媚媚白如雪不知爲妃爲孤接
見者求之不可得放船駭立心神疑一宵西來百匹馬挾抱文書三
面馳方知吾族萬萬國數百里里有歧一歧所產百斯類屑碎纖
靡爲世貴又聞西方產黍稷雜用花果蒸爲醢豬牛味濁鴨雞瘦紛
來吾國求膏脂吾族大長亦不吝使吾邊族相餽貽江頭小神正鄰
我招我化族驅爲鮓先生固哉好目論徵彼百老皆小知鯽聞駭然
不敢信秉賢去問千年龜安知潛宮不易到兼旬直下方見之水力
壓背九鼎重此水萬丈安能支龜聞叱問爾何者今我背上緣蒙皮
魚龍子孫伺我息壤如細風多生鬚任氏兒子善戲謔捫吾左脅擒
范伯子詩集

三

一鰭懷藏吾血不行絡此屬撓撓長苦饑此時鯽生失魂魄那能重
述么魔詞但言公有泰山固願匿公脊無顛危龜聞色慘吁不已嗟
爾錮疾當難醫瞬此陰陽一開闔大無止境憂無時周廻此海奚有
底乃是一物橫八陲此物無名亦無字字以混沌名窮奇東湖西落
日呼吸一吸一起方躩踞此物日升海日淺而我當之猶豪健暫時
蜉蝣在其背萬一轉側斯爲廢夜夜流星落空闊但有杯水傾諸池
我將喪我去其介四足去一權爲蹄一朝化爲三足鳥飛入太陽當
可羈生不事此勿相恩鯽生聽罷翻狐疑更有蓬心借一語聖人羣
籍無公詞咄哉聖人天公各造意不得千齡萬代長相咨

晉卿注墨子屬余評校粗校一過歸之以詩

騶衍何堂堂與人談九州彼亦持方枘圓鑿何能投諸家頓羅網深

處無人鈎悠悠四千載此子出一頭飛蛇騰上屋鐵腳沙中蚌豈能
道羊角勝於童首蚌二足既插地大老施鞭綰猖狂亦不貴庶哉騏
驥流江河蹈空闔慕湖超凡溝所以齷齪語孟荀兩不收真氣浩如
水不得同浮漚墨子矧脫爛泥土不足杯上不爲曾參下亦當黔婁
茲道亦已接何須君力摻與君不胡越百歲期同舟兼旬惜我別萬
言致綢繆爲君覆此著以當瓊瑤淵

評晉卿駢文

好女機頭錦行行有雙意好風吹素琴君子寫其志今樂何噉嘈古
樂亦宜睡鳳皇飛不來今古皆虛器

余與晉卿往來數月既盡讀其詩歌駢文墨子之屬最後又得

讀其古文益服其無所不能揣至保定視吾師吾師歎嗟焉七

范伯子詩集

四

月余將南還晉卿別以詩和之得三十四韻

北方舊聞天下雄涉河一覽嗟哉空平歷萬村草樹寡水居不鈎山
無茸我行千里到此息狂言誕語凌諸公吳公授我秀才藝云此屬
者邦之蒙觀吾井者樂吾樂對此不得方南東我誠斯言踞坐視初
睨忽眩驚我瞳即換心腸測羣臍千靈百怪爭鴻濛顧謂吳公曷嬉
我公笑謂我非我功保陽魁人曰王氏甯經饌籍光熊熊要遮出亦
擬其腹乞膏澆此荒田中彼號願承一手烈能開造化開神工君今
所詮固可偉三年以昔皆常儻顧謂在階速具酒即看二子尊前融
維時浴佛後一日吳公席上來匆匆明朝就語信都院爲莊爲詭十
九同示以卷詩最初詠雕愁刻鬼如頰翁琢成小文出幽怪蘭根僻
夜鳴何蟲我聞經師日在矩十步以外非所攻咄哉章縫雜奇服顧

此裸壤憂心冲險人如雷那可測震出平地千家驚高雲沸沸盡龍
氣俾屋對噓天不震壁際其樓閉海市夜走海底龍王宮老龍但言
我無術汝弗幻者焉得窮此間神物或如蚓此物受戒新出籠五千
大藏用故少吾族得之經編豈汝惟海產夜郎腹乃今但可潛其蹤
嗚呼王君我與汝今此鬪角猶雌風尹那娟娟女兒相我亦悔過私
捫胸大道榛蕪要徒衆聖人孤獨賢人篋長離一飛幾千載孔雀翼
翼臨蒼穹泰山東面障東海太行擁背排雲峯黃河如溝不足悼南
箕北斗夜夜通會當與君戲原野暫別幾日胡殷衷將酒酌君問君
意吾欲千年於此終

保陽道中遇黃仲弼於逆旅方知其奉 命典試四川匆匆不

能多談贈以濂亭文集口占二詩以道其所欲言者

范伯子詩集

五

意外逢君駐使車三年顏色若爲臞尊親勞苦能加飯舍弟憂傷待
廢書首夏沛中余北向先春淮上彼南圖飄零一聚師門下南北相
望更二吳

君撫斯文訊武昌翼州旗鼓亦相當眼中意態今無右天下人才詎
可量程度此行真不易相如幾輩或相望吾家門外江朝海爲我探
源記數行

三十二歲自壽

顏子當我時怡然順化理賈生在我時悲天哭不已顏子固宜笑哭
者亦自喜而我於此時飲食孩稚耳假爲失呼吸千載甯有已而我
亦不病不病爾將俚易哉勞腎肝弗怖落其齒天壽衆人命爾當屈
一指兩歲課一熟雙日行百里天下愛傷人爾福亦已修爾無一行

足感懷又何以戒哉令譽乘驢來譽來汲汲思二子

贈別摯父先生

落窠含真氣孤飄得所依聞君我師外在昔故人稀逐日羣輩散空
房百卷群讀書眞到骨爲吏盡忘機慚愧無官累蹉跎立己非敗根
隨手掘高路蕩睛睇斥鷃知何笑螻蟻不畏譏菰絲向蠶吐雉關繞
驚飛官解濃菁發荒城大麥肥兼旬留腹疾五尺尙腰圍世路宜茲
老親庭惜爾遠歎中成小別愁裏送將歸令常終能愈賢兄不用祈
常秋要珍攝陪夜慎寒饑十月粗能暇重來儘可幾平生輕祖道何
事欲沾衣

和駒兒詩呈摯父先生昆季

范伯子詩集

六

面垢髮髻懸眉枯墨正濃斯兒能造句諸老弗愁庸早綠宜栽韭晚

青須種松君侯不王謝何所得優龍

留別諸生
北極星辰下分光照讀書兩餐兼黍稷六月長夫渠會合於茲盛平
生爲爾攜龍門回首地長恨往年虛

大塊微塵積團沙手自撿水花求露少山樹出雲多寸步皆由命羣
經徧可歌願言珍此別拭目望委它

留水橋

留水橋邊水高船未得行掀篷與天接徹壁使波平故榻紛凌亂深
艙且縱橫暫須遲日下更與逆風丁夕永愁空露陰多怖遠靈艱難
兩程隔寒煖一時輕莫使悲秋氣惟應看月明四圍同一白孤抱得
雙清草樹無多影蟲魚有幾聲走歸非就逸歌罷不逢驚未必論金

石眞當憶弟兄首陽奚不好北海亦能并醉淺顏滋厚狂深骨未礙
俊遊徒病足高戾況擢翎坐隔親堂夢終虛故里情鑑華定無數蕭
瑟望青冥

前詩既成復自謝一首

船頭酣睡人熱汗漬涼露船腹包我身蒙頭結纒布山谷亦有言寄
夢日星處胡令喜垢幽空關不得住有志唏野人無志化紈袴而況
江湖間風波沒調護

日本武藤百智以詩問余於天津余爲言其國人岡千仞使往
見之乞一言爲先遂贈二詩

鬱鬱龍堂接蜃樓當時貨殖比諸侯如何馬足風塵際尙有蟲吟草
木秋眉眼知爲同命惜文章須使盛年愁懷中他日詩千首過我江

范伯子詩集

七

南扶海洲

昔聞海上岡千仞邈若神山不可望誰識英英大邦傑擔簦來上我
師堂超聞合是虛行者樸學猶爲卜子商念爾師資能近取千秋名
業定無疆

范伯子詩集三

通州范當世

光緒十一年乙酉十月再至冀州至十二年丙戌十月南歸作

過江有寄

去後朝朝有所望過江纔覺別離長夢君不及魂飛苦怨我強如意
感傷大海回波終共命朔風吹雪已盈腸早知澹泊生煩惱何苦當
時不忍狂

蘭山驛中王弢甫示以綠楊春影圖且告之緣起爲題八絕

野館風多擁被寒月光如水不能看與君更覓揚州夢知在平山第
幾齋

天壤王郎富貴遲綠楊依舊髮如絲當知絕代佳人夢成就當年幼

范伯子詩集

一

婦詞

金堂銅雀屬何人昏灼參媒況未眞只有東風沈醉裏名花一照可
憐身

卽看畫裏意婆婆比恨量情孰與多不見春痕寫春影故應好夢未
成魔

我將頑豔證枯禪自覺閑愁散若姻終是畏人辛苦語碧雲黃葉況
悽然

不信操觚好事家紛紛奇過竟非夸人間賤我如泥土豔我還如一
品花

誰爲銀漢與紅牆只是良宵燈燭光此意惟應向君說安能寸寸示
人腸

纏綿解脫總無聊驛路星霜更寂寥何與梅花買山隱不將楊柳怨飄搖

過秦山下

生長海門狎江水腹中秦岱亦崢嶸空餘攬轡雄心在復此當前巖色橫蜿蜒凝龍懷寶睡蹢躅病馬踏砂行嗟余卽逝天高處開闔雲雷儼未驚

平原道中

東海年年苦旱乾經過水草亦艱難饑人不向空田立客路真常出塞看白日驂駝齊稅駕黃沙飢餓一登盤書生豈有先憂志感此方能日飽餐

題大橋影子

選於百美圖而得其似者爲懸於窗無可奈何之事也於時夢父先生實始爲之媒是以又有大橋

范伯子詩集

遺照詩之作

齊閣焚香對畫裙神魂相接若爲羣烟霄鶴渾無似莫向人間索虎賁

大橋遺照詩 并序

此所謂大橋乃吾所居通州城郭之東偏十五里許有所謂新地者有水橋一區類如斯圖而亡妻實產於是其父母因以橋名之橋之歿而余不獲訣念欲圖其貌而無從爲畫工言也文君右泉遊楚不得意吾攜以歸而右泉善畫吾因與之權舟至新地觀於亡妻之故居而屬爲之圖斯橋并圖其地以謂此所以存我亡妻云爾嗚呼地則恆是耳橋亦不可以百年而此之曹如著煙霧於紙上者果何物也哉而我又

能長玩乎此哉系以詩曰

若人一徂逝楊柳三枯榮榮枯未已何如人去不復生君魂匿吾心君貌懸吾睛若爲相對復愁苦達者胡爲不自甯大橋秦烟水從此無君形亦欲出君魂持之當風颺柔脆復幾何凌暴叶可傷待吾精力消磨盡及爾同歸何有鄉

夜憶故鄉諸子不能成寐熹晨卽起撥物增懷

飛沙城郭無多樹一樹窗邊孰爲栽好鳥便從空外至奇花爭向地中來卽看露上盆禾未且喜荷根出水纔今日故山長寂寞陵園多恐不能胎

六君子篇

結交少年場結交何淒涼乃知分吾友晚得殊未央吳公一推薦范伯子詩集

三

忽來成行甫也岸然皜白也疏而長相如還自喜馬遷若有亡哀哀揚子雲髮上千年霜安知苦辛業至今慘不光座中後來者拜倒韓侍郎此人孟氏徒配公在師旁杜公忽然歎丈人何必傷若論在草萊等耳誰能強我曹挾勢力名與風塵揚吟嘔騰百口折骨拉心腸未若醬瓿上猶能不受創小子聞此語笑翻手中觴如公說人代十夫九九儉百歲甘零落萬年亦遯荒荒落竟何味嗜之如甘香史公傳貨殖大語眞堂堂夫子不遇賜周流早絕糧楊公一侯芭何怪無騰驥貴又不敵富努力求奇方九州萬都會處處鳴笙簫美女苦不足載妓行求倡如此猛行樂能無憾死喪何爲不自惜促促如寒蟬二馬楊杜韓不語徒我望而白顧謂我小子無猖狂夫子疾沒世沒世卽有常努力著書去何愁死不芳

三君子篇 有序

余爲六君子篇示諸生孟生知余篇終所云亦詭詞乃執楊雄傳來問曰雄潛泊如此然則其爲文章亦自適而已而班固推雄之意以爲欲求文章成名於後世雄豈猶不忍於後世之名乎余折之曰此不可以如斯頓悟也夫子曰弗乎弗乎君子疾沒世而名不稱焉吾道不行矣吾何以自見於後世哉夫子豈猶不忍於後世之名而云此者乃其所以發憤著書之由且維持萬世之天下俾不入於二氏之教者亦卽在此矣人之以文章自適而從容樂道一無所爲而爲之者豈其新學而遂能然耶高明之人不難於倦世至於捐其所謂富貴利達者以就於茲事而非若有千聖百王之指讓於

范伯子詩集

四

前千齡萬代之人之承望於後則又孰肯老死於此而不悔者哉故自孟子而來至於今凡不愧爲聖哲之書者其後大帥皆不能自己而其始也亦莫不欣動於夫子之言此其所以爲萬世師也吾懼孟生之味道未深而頗已輕世流弊滋大復作詩令誦之因篇末數語命曰三君子篇

老氏結巨網釋迦懸利鉤紛紛下人海垂餌當亂流以彼淵中趣兼之性命浮何患英雄人不來流上頭流頭大魚上形瑰果如牛變化直飛去二老胡不收乃知青雲上招手有孔邱借問孔夫子何術招此儔彼無異端在一語教人愁氣盡卽無我長生言不雙輪回不可得寂滅終恥羞蓋棺萬物盡惟獨斯文留沈雄乃不死精力斯當勸此道一深入機來難自由胸中沃至味玉璫盛黃流貪嗔怨慟怖一

一皆謬悠乃知師恩重聳我出我幽與我一世間福祿諸天俾假非玉書聖不恐甯寧修萬年弗可揭一揭乾坤休老聃樹桃李獨秀惟莊周此人澹無欲永可泥塗龜一朝感鵬鵬欲作逍遙游公然脫彼網吾學同喜憂靈均亦在楚孟子還居鄒當日三君子朝朝閱九州

龍虎篇贈學父先生

撓撓龍虎爭萬年域此海空文在空中知有幾何在孔聖已囊括諸公復君宰所得非孔疆一君各萬載後來開創稀臣多吏更猥空中還自生蕭散無人采吾見殊爛然生人目無彩生人徒目茫其實亦碗碟班馬點竄之一一堪鼎鼐精靈叶草間睡味獨何辜萬行耳此名前知則已忘那況洪鑪機兩儀坐相待一朝風火微色曜盡衰改山川本無能諸神日就餒真麟獮不回蛟龍變儼儼滿地狐鼠鳴仁

范伯子詩集

五

者聞之悔嗟嗟夫子心虛明復悌愷方且博我文矜狂策其貽甯肯九似山蒼然不復衆大哉欲無言百倍我嚙噫小子升堂來萬事棄如蓓念此非世費操刀試求體勝固無所殘敗亦不爲醜何况夫子豪邁雄舉而迨九天星辰敷九州萬花蕾罄翻未可翺彈聲不成味安得和聲琴一對南風颿

學父先生出行野四日不歸極望成詩

先生與奴食同品腐魚酸菜腹中裹與我讀書同苦甘朝吟夕咀三倍我前日驚呼走出城田間蝗子大如瀛甯關自古循良心只爲此官食者夥妻兒弟姪十口家萬口從君索餅餽萬口不飽君無財數十之家不舉火君亦一口張我亦一口哆我食何嘗似君艱我亦一家待君安玉階仙露三千年一樹瓊華長婀娜中有綵鸞非帝驂朱

戶沈沈下青瑣君歸休但安坐此邦亦不謂君情我與君亦暫不餓
氣化終留蝨賊心聖人豈免昆蟲禍面顏昔枯還未腴何苦風塵日
摧挫

酬冀州判張君

王孫蕩百產不肯市翁仲猥云崇惜之物色那可動張君老明經猶
食監州俸關門自讀書瀟灑不聽訟且喜吳公來三分百姓供餘膏
澤胥吏兼足買書用去年三缺令以公實其空奧竈忽易位當時媚
者衆胡爲食烟火歸來氣猶洞客裏逢端陽勞公忽贈送菜根飛鹽
花肥棗滿青樓腰之兩三品清德偏可頌我無報投物作詩爲公誦
食飽詩亦酣陶然羲皇夢

張君得詩屬書於扇而索觀他作再答一首

范伯子詩集

六

我作詩歌聊自謳縱有閑官不肯投張君睨深一微客愛之欲與此
扇留百年已作秋風客一語溫存不自山可惜著書人取去暫時無
物應公求

二鳥歎在番船作

二鳥翻飛馳我船離船一尺走避烟俯看掠浪背船去忽復驚雲在
我前我憑欄檻至日莫與逐高下心茫然茫洋黑水絕歸路東徑萬
里西幾千待向江南覓洲渚恐其羽翮彫霜天哀哉離離在塵際紛
紛屋底圖飽眠那無空闕若此鳥更用憂渠不自憐空江蝴蝶悲來
句依傍人間又十年丹鳳碧梧在何許蟻子蜉蝣草上緣方壺員嶠
今知妄吾跡此鳥求神仙亦是神魚出波戲世間鳥雀胡能然

大橋臺下

草草征夫往月歸今來墓下一沾衣百年土穴何須共三載秋墳且
汝遠樹木有生還自長草根無不能肥泱泱河水東城暮佇與何
人守落暉

范伯子詩集

七